

# Xlimactiy Xcarta Huantü Tzokli

## San Pedro

Acxni açú titzúculh lipahuancán Cristo, xlihuak huantü xtalipahuán xlacán xtakalhkalhímánalh xlacata pi ni makas ámaj min Quimpuchinacán xlimactiy. Pero quilhtamacú xama y cumu ni xlakchama quilhtamacú laťa namín Cristo lhuhua huantü akatiyuj tzúculh talay y xtalacpuhuán pi niaj nexni catímilh. Hasta tataxtuchá makapitzín huantü nac xlatatíncán cristianos tzúculh talichuhuinán pi niaj nexnicú catímilh Quimpuchinacán. Huá xpalacata çalitzoknicalh umá carta amakolh huantü chuná xtalichuhuinamánalh umá talacapaścacni y antá çahuanicán pi Dios ni laclhçahuiliy quilhtamacú cumu la liçatziyáhu aquinín, porque “huantü xlacata Dios aktum quilhtamacú xlá limaxtuy cumu la a catitáxtulh aktum milh çata, y laťa titaxtuy aktum milh çata xlá xtaçhuná limaxtuy cumu lámpara aktum quilhtamacú titaxtunít.” Y masqui tasiyuy pi Quimpuchinacán lipecua laťa makapalama, huá chuná lílama porque Dios ni lacasquín tícu nalaktzankay y ni namatzankenanicán xtalakalhín, sinoque huak catamalacatzúhuilh y catalipáhualh Cristo (3.8-9).

### Pedro lipaxúhu çaxakatlilacán cristianos

**1** Aquit Simón Pedro huantü Jesucristo quililacsacniť xapóstol nacuán laquí naclascujniy, luu çana lipaxúhu çatçoknimán eé quincarta xlihuak huixinín huantü na aya lipahuanitátit Quimpuchinacán chuná cumu la aquinín na lipaxúhu clipahuanitáhu, porque tamá talipahu quiDioscán y Qui-makaputaxtinacán xliçana pi tlan quincacatzaniyán. <sup>2</sup>Clacasquín pi cakalhítit tasiculanalán xahua

akatzianca y lipaxúhu latámat çaj xpalacata cumu lakapasátit xtachuhuín Dios xahua Quimpuchinacán Jesucristo.

### Xliçána pi lanca xtapalh huantü Dios quincamalachnuniyán

<sup>3</sup>Cumu Dios kalhij lanca xlitlihueke, xlá huak quincamaxquimán huantü maclacasquináhu laquí tlan akstitum nalatamayáhu nac çaquilhtamacú y xman huá nalakachixcuhuiyáhu; xliçana pi makamaklhtinaniťáhu umá litlihueke xahua lipaxúhu latámat

cumu kaxmatnítáhu y lakapa-sáhu xtachuhuín Jesús y porque huá man quincatasaniñítan laqui naucxilháhu huantü tlan tlahuay laclanca liçácñit xtascújut. <sup>4</sup>Caj xpálacata huantü aya quincamax-quiniñítan chuná xlá liṃalulokma pi huak namakantaxtiy huantü malacnuniñit, y huantü Dios quincamaxquiptunán xliçana pi lanca xtapalh, porque caj xpálacata huantü malacnuniñit tlan nalilakchanañáhu amá lipaxúhu xlatámat Dios, y na natitaxtuniyáhu xlihuak huantü lixcájñit talakalhín huantü huí nac caquilhtamacú y quincalactlahuayahuaputunán. <sup>5</sup>Huá xpálacata ccañihuaniyán pi huixinín huanti çañajlayátit huantü Dios malacnuy, na juerza catlahuanítit pi amá mintaçañajlatcán huantü huixinín kalhiyátit xliçana atzinú lacuán cristianos nacatlahuatilhayán, y para xliçana akstítum latapaputunátit na luu mililacputzaticán lácu mas tlan naakataksátit huantü Dios huan nac xtachuhuín. <sup>6</sup>Cumu luu lihuana akataksátit nahuán man catziyátit lácu namatlihueklhátit mimacnicán y niñtū nalitlahuayátit huantü lixcájñit talakalhín. Huixinín nalitaxtuyátit lacuán cristianos huanti niñtū pála talisñitziy huantü taucxilha o çatlahuanicán, naçhuná lácu nalilakachixcuhuiyátit Dios milatamatcán. <sup>7</sup>Porque huanti xliçana talipahuán Dios niñpara çatūm tícu talakmakán huata huak talakalhamán xlihuak cristianos, y na luu xlcasquinca pi huá umá talakalhamanín nacamaxquiyán litlihueke laqui acxtum nalapaxquiyátit cumu la linatalán.

<sup>8</sup>Para huixinín huak kalhiyátit huantü aquit ccahuanimán y akstítum laktzaksapátit, niaj caj xman chunatiyá catilatapátit, na niñpara caj luu xman chunatá lactlahuapiniñítit quilhtamacú laṭa lipahuanátit Cristo. <sup>9</sup>Pero amá cristiano huanti niñ kalhiy huantü Dios quincamaxquiyán xlitlihueke, luu xtachuná quixtuy cumu lámpara lakaxoko o niñ tancs lacahuánán, porque patzankakoniñit pi aya xlcaxacanikocaniñit xlihuak xtalakalhín huantü xtitlahuanit. <sup>10</sup>Natalán, huá xpálacata aquit ccañihuaniyán, cumu Dios çatasaniñítan y huá man çalacsacniñán laqui xcamanán nahuanátit y nalipahuánátit, pus ankalhina calaktzaksátit namalulokátit nac milatamatcán pi xliçana, porque para chuná natlahuayátit tancs cacatzítit pi neçxnicú catilactayátit. <sup>11</sup>Y nac akapún luu çana lipaxúhu natanuyátit xahuachí nacamaxquicanátit huantü çamalacnuniñítan Quimpuchinacán Jesucristo huanti quincaquilakmaxtuniñitanchín. <sup>12</sup>Maçqui aya catziyátit huantü aquit ccahuanimán y luu akstítumá lapátit, pero ankalhina naccañimaakatzankeyán xlacata akstítum camakantaxtítit amá xtachuhuín Dios huantü ccañimakalhchuhuiñiniñán. <sup>13</sup>Cmaklhcatziy pi luu chuná quililtlahuat lihuán clamaicú nac caquilhtamacú xlacata ankalhina naccañihuaniyán para tícu niñtlan tlahuapátit. <sup>14</sup>Maçqui xliçana pi Quimpuchinacán Jesucristo stalanca quimacatziniñit pi niaj para maças quilhtamacú camaj akxtekmakán eé caquilh-

tamacú, <sup>15</sup>pero lihuán clamajcú clacpuhuán pi juerza naclahuaniy xlacata pi lihuana naccamaakatak-sniyán huantu luu mililtlahuatcán laqui masqui aya cninittá nahuán huixinín ni catipatzankátit huantu ccahuaninítán nahuán.

**Pedro man ucxilhñit pi Jesucristo  
kalhij lanca xlitlihueke**

<sup>16</sup>Xlihuak amá tachuhuín huantu ccañimalkhchuhuñitán xahua lácu kalhij lanca xlitlihueke xahua xlicácñit Jesucristo, xlicana pi ni caj chunatá ccañiaskahumán o nalacpuhuanátit para xtachuná cumu la cuento, sinoque quilakastapucán man cliucxilhñitáhu huantu xlá titlahuanit lalanca liçácñit xtascújut. <sup>17</sup>Aquinín lacxtum xactalaya-náhu Jesús amá quilhtamacú acxni talakpalikolh lata lácu ankalhina xtiyuy y Quintlaticán Dios stalanca quincañimacalahuanín amá lanca xtaxkáket xahua xlicácñit huantu xkalhij masqui ni xtiyuy, xahua acxni takáxmatli xtachuhuín acxni chiné huá: “Huá umá quinkahuasa huanti luu cpaxquiy y clipaxuhuay xlatámat.” <sup>18</sup>Aquinín stalanca ckaxmatnitáhu amá xtachuhuín Dios huantu minchá nac akapún, porque lacxtum xactalayanáhu Quimpuchinacán Jesús nac amá lanca xaticulanlán kestín antanécú xactaxctunítáw.

<sup>19</sup>Xlihuak umá huantu aquinín ctiucxilhñitáhu lacatancs litaluloka huantu xalakmakán profetas titatzokchá xamakán quilhtamacú, y luu tlan pi huá tamá tatzokni huixinín luu quilhpañiyátit acxni likalhtahuakayátit. Pus tamá

xtachuhuincán profetas huantu tatzoktahuilanit luu xtachuná litaxtuy cumu la aktum limaksko huantu xlimacaxkakénat xuanit hasta amá quilhtamacú napulhachá amá lanca matuncuhuini stacu huantu xkalkhkalhipátit laqui nacamakskoniyán nac minacujcán. <sup>20</sup>Pero luu cuentaj catlahuátit huantu camán cahuaniyán: xlihuak huantu xamakán quilhtamacú titzokuilichá profetas nac xlikalhtahuakacán, ni para chatum tícu tlan nahuán lácu man akataksa sacstu. <sup>21</sup>Porque amakolh lakmakán profetas nexnicú tu talichuhuínal huantu caj sacstucán xtalacapastacnicán, sinoque xlacán huá xtatapeksiniy y xtalichuhuínán xtalacapastacni Dios porque huá Espiritu Santo xcamalacpuhuaniy lácu natahuán.

**Hasta xamakán quilhtamacú na  
xtahuilánal huanti xtaliaksaninán  
Dios**

(Judas 4-13)

**2** Hasta lata xamakán quilhtamacú nac Israel na xtalamanal makapitzín huanti xtahuán pi na profetas pero caj taaksanín huantu xtamasiyuy. Nahuná quitaxtumaj nahuán nac milakstipancán, porque lhuhua huanti natalitaxtuy cumu la mañalhtahuakenanín pero caj taakskahuinimánal nahuán. Umakolh mañalhtahuakenanín nac xlacatincán cristianos natamasiyuy pi lampara luu akstítum talamánal, xlacán xman huá tamasiyumánal nahuán huantu nacalactlahuaya-huaniy xtacañajlatcán cristianos y

chuná talakmakamánal nahuán Quimpuchinacán huantí aya xcalakmáxtunít. Pero huantí chuná talamánal xlicana pi caj tamalacapalimánal quilhtamacú lata Dios nacamapatiniy. <sup>2</sup>Lata lixcájnít xlatamatcán tamasiyumánal nahuán lhuhua cristianos huantí aya xtatzucunít talipahuán Cristo na natalakatiy huantu xlacán tamasiyumánal y hasta nachuná natzucuy tatlahuay huantu xlacán tamasiyumánal nahuán, y caj xpalacatacán lhuhua cristianos huantí ni talipahuán Dios calahuá natalikalhchuhuinán amá xtachuhuin Dios huantu aquinín lipahuanáhu. <sup>3</sup>Caj lata xlacán talakati lacamánal nahuán natakahiy y natamaakstokuiliy lhuhua tumín, hasta nacalimalkhchuwijnicanátit huantu caj catuhua takalhchuhuin laqui chuná tlan nacaliakskahuimakhitiján tumín. Pero amaj lakchán quilhtamacú acxni lan natapatinán caj xpalacata huantu nitlan xtas-cujtcán natatlahuay, porque hasta xamakaná quilhtamacú aya calilhcaçaniñ laçu luu natapatinán.

<sup>4</sup>Milicatzitcán pi Dios nipara tzinú camatzankenánilh amakolh ángeles huantí takalhakaxmatmákalh xlimapeksín y tatlahualh talakalhín, huata xlá camácalh nac pupatín, antá çasihuílilh y çamakalhíma, nacamakalhpalíy acxni nasputcán xlicalanca çaquilhtamacú. <sup>5</sup>Nachunalitúm amá makán quilhtamacú acxni huacu luu pulh xuilácalh amakolh cristianos huantí xtahuilánal makán quilhtamacú, caj xman takalhakaxmatmákalh Dios y ni cuentaj tatlahuánilh

huantu xcaliakchuhuinanima Noé, huá xpalacata Dios niaj lay çatapátilh y macámilh muncáctat, çamasputukolh xlihuak cristianos, caj xman huá Noé xahua kalhatujún xlitakapasni çalakmáxtulh porque xlacán akstitum xtatilatamanít nac xlatatín Dios. <sup>6</sup>Nachunalitúm Dios na camapatínilh xlihuak cristianos nac xacachiqún Sodoma y Gomorra porque maktum çalhcuuyuhuilikolh y çata caj xalhaca amá çachiquín tamáxtekli, laquí natalilacapastacnanachá xlihuak amakolh cristianos huantí lixcájnít natalatamayachá natalicatzitahuilay pi juerza nacamapatinícán. <sup>7</sup>Caj xman çatun chixcú huantí xuanicán Lot lakmáxtulh y ni mapatínilh, porque Lot luu xlipuhuaná lata lixcájnít xtalamánal cristianos huantí xtatlahuamánal latáchá tucuya talakalhín, pero Lot luu akstitum xlama nac xlatatín Dios.

<sup>8</sup>Amá tlan chixcú Lot anka-lhiná xlipuhuan caj xpalacata amá laclixcájnít talakalhín huantu xchaliyán xmakuxilhima y xmakaxmatma porque xlá antá xlama nac xlakstipancán amakolh laclixcájnít cristianos. <sup>9</sup>Quimpuchinacán catziy lácu çalakmáxtuy xlihuak amakolh cristianos huantí xlicana xlá çaucxilha pi maktum tamacamaxquinít xlatamatcán, pero xlá na ni çapatzankaniy huantu tatitlahuanít xlihuak amakolh huantí lixcájnít talemánal xlatamatcán xlacata nacaputzananiy tucua tatitlahuanít acxni nalakchán quilhtamacú nasputcán y nacatlahuay taxokón xlihuak cristianos. <sup>10</sup>Dios atzinú lipeçua amaj çama-

patiniy amaqolh cristianos huanti tatlahuamánalh huantu çata lixcáj-nit y ni litlahuaputu talakalhín, nachuná huanti talakmakán y niñu taliucxilha xliṃapeksín Quimpuchinacán, pero xalihuaca tamaqolh maqalhtahuakenanín huanti caj taaskahuinamputún, xlacán talacpuhuán pi luu laskskalalán, huata tlancaj çamaklhcatzicán, ni para tzinú talacpuhuán para natalacapecuaniy lanca xliṃlihueke Quimpuchinacán. <sup>11</sup>Maşqui ángeles xalac akapún huanti tzinú tlak takalhiy liṃlihueke ni xachuná lacchixcuhuín xalac caquilhtamacú, pero xlacán ni para tzinú talacpuhuán para çalahuá natalichuhuínán nac xlatatín Quimpuchinacán tamaqolh aksaninanín maqalhtahuakenanín, chuná cumu la xlacán lixcájnit talichuhuínán porque taşitziñiy.

<sup>12</sup>Tamaqolh cristianos luu xtaçhuná talixtaxtuy cumu la takalhín huantu ni taakataksa huantu tatlahuay, caj xman huá tamakantaxtiy nac xlatamactán huantu tamaklhcatziy xmacnicán. Chuná çaahuaniyán porque xlacán luu lixcájnit talikalhchuhuínán huantu ni para tzinú taakataksa y ni talakapasa. Pero nalakchán quilhtamacú acxni chuná nataakspulay cumu la taakspulay quitzistancán xala caquiñiñ huantu çachipacán laqui nacamakñicán, <sup>13</sup>porque na nacamaçatiniñicán chuná cumu la xlacán tatimaçatiniñit xamakapitziñ cristianos. Amaqolh laclixcájnit maqalhtahuakenanín talakatiy talipaxuhuay huantu ni çamiñiñiy maşqui stalanca tacatziy pi ni

maqas natalipaṃtinán. iLuu lanca liṃaxaná caçuitaxtuniyán acxni xlacán çalakanachán antañcu macxtum liṃahuilayátit xtachuhuín Dios laqui nalakachixcuhuiyátit, porque cumu stalanca tasiyuy pi lixcájnit laṃa talamánalh, caj liṃhuaca talipaxuhuay huantu taliaktzankatayanit!

<sup>14</sup>Umaqólh laclixcájnit lacchixcuhuín niñay taucxilha çatun pucçat para ni xlacán xtatlahualh talacpuhuán, neçxnicú tatlakuán laṃa tatlahuay talakalhín. Luu tacatziy lácu taaskahuimiy y talactlahuayahuay amaqolh cristianos huanti niñaj luu tlihueke takalhiy xtaçanajlatcán, xahuachí caj xman huá luu skálalh talicatziy lácu natalakhiy tumiñ porque nac xnacujcán luu chuná liṃlapaçtancán. Umaqólh cristianos luu çalakchán catapátihl xliṃhuak huantu amacalh çaliṃapaṃtinicán. <sup>15</sup>Xlacán taaktzankatayanit porque tamakxtekyahuaniñ huantu xaakştitum tiji, huata xlacán chuná tamacaşalamánalh xlatamact amá makán profeta xuanicán Balaam xkahuasa Beor, umá profeta titlajapútulh lhuhua tumiñ caj xpalachata natlahuay huantu niñaj lakchán, <sup>16</sup>pero liṃlacquilhñicalh xpalachata xtalakalhín. Amá xatzí xburro huantu xpumama chuhuínalh cumu la çatun cristiano, niñaj máxquilh talacasquín natitlahuay huantu ni xliṃláhuat huantu xliaktzankatayama.

<sup>17</sup>Tamaqolh aksaninanín maqalhtahuakenanín xtaçhuná talixtaxtuy cumu la aktun puṃlmán pozo huantu niñaj musnún, xtaçhuná talixtaxtuy cumu la puclhni huantu laṃihuán snoklén ún; caj xpalachata

xtalākahlincán huantū tatlahuamánal nh amácalh camacancán antanícu xacapucsua laquí antá nacamaṗatínicán canexnicahuá quilhtamacú.

<sup>18</sup>Xlihuak xtalalhchuhuincán masqui lhuhua huantū tahuán y talacsacxtuy huantū atzinú tlan takaxmata pero huantū tahuán niṭu limacuán, xlihuak huantū takalhakaxmata huantū talichuhuínán hasta taakataksa pi huata tlan natalilataṗaray huantū talimakaṗaxuhuy xmacnicán, chuná chú taakskahuiṃiy y tamakalacpuhuán pi lixcájnit catalatamaṗá huantū masqui acú takalá lakmakankolh xalixcájnit xtalacapaṣtacnicán huantū xtalilaktzankatayanit.

<sup>19</sup>Xlacán tahuaniy xtamaṗalhtahuakencán pi natamaktayay laquí natakaliṃiy laktáxtut masqui mismo huatunín naṗhuná xtachincán caṭlahuanit xalixcájnit talacapaṣtacni; porque xlihuak cristianos huantū camakatlanjit xalixcájnit xtalacapaṣtacni xtachincán caṭlahuanit.

<sup>20</sup>Milicatzitcán pi xlihuak amaṗolh cristianos huantū talakapasnit pi Quimpuchinacán Jesucristo xlicana huá quimaakaputaxtinacán, cumu talipahuán xlacán aya tatitaxtuninít xlihuak huantū lixcájnit talakalhin huantū maṗalctzankenán; pero para tatamaṣtay cacalakchimpá tama lixcájnit xtalacapaṣtacnicán xlicana pi luu maktumá tu talaktzankatayakoy ni xachuná xapulh.

<sup>21</sup>Huata xatlán xticauitaxtúnihl pi neṗnicú xtitalakápasli huantū xaakstítum tiji, porque cumu chú aya talakapasnit huata tu tatlahuay mejor caj taakxtekmakán amá xatlán xliṃapeksín Dios huantū

camaxquicalh. <sup>22</sup>Pero nac xlatamaṗcán tamaṗolh cristianos huantū tahuán pi na talipahuán Cristo pero acalístán taakxtekmakán lacatancs likantaxtuy amá xlicanaṗ tachuhuín huantū chiné huan: “Chichí laktaspitpá xpatlánat laquí amaktum nahuaparay, y paxni huantū acu lihuanaṗ paxikócalh, caj lipuntzú tzucuparay lipaxa putlún.”

### Lácu nauqitaxtuy acxni namimparay xliṃaktiy Quimpuchinacán

**3** Nataṗlán, huá umá xliṃactiy quincarta huantū aquit ccaṗzoknimán, xlihuak mactiy quincarta clacasquín lihuanaṗ naakataksátit huantū ccaṗimákalhchuhuiniṃán lácu luu akstítum nalatapayátit. <sup>2</sup>Na clacasquín pi lihuanaṗ calacapaṣtáctit huantū xamakán quilhtamacú titalichuhuiṃnanchá amaṗolh profetas, xahua amá xliṃapeksín Quimpuchinacán huantū quincalakmaṗtuyán, huatiyá tu caṗimákalhchuhuiniṃán xapóstoles huantū xlá xcalacsacnit.

<sup>3</sup>Pero na clacasquín lihuanaṗ cacatzitahuilátit pi acxni luu aya talacatzuhuiṃmaj nahuán quilhtamacú laṗa namimparay Quimpuchinacán lhuhua laclixcájnit cristianos talamánal nahuán, huantū caj xṃan tamakapaṗxuhuamánal nahuán xmacnicán, y caj laṗa talikalhkamaṗanamánal nahuán <sup>4</sup>lhuhuatá natakalhasquinínán:

“¿Lácu la eé quitaxtuy, chinchú tu timálcnuhl Cristo namákan-taxtiy xlacata pi namimparay xliṃaktiy nac caquilhtamacú? Porque makasá laṗa tanikoniṗ quilitalakapasnicán huantū chuná

xtalichuhuínán y chunatiyá nítu tikantaxtuma huatiyá laṭa huí çaquilhtamacú hasta laṭa timalacatzuquicalh.”<sup>5</sup> Umakólh laclixcájnít cristianos nì taakataksputún laṭa milh muncáctat pì makán quilhtamacú xlāta xuí akapún y cumu huak chúchut xuí nac xokspún tíyat Dios huá pì túnuj catáhui chúchut laquí natasiyuy tíyat.<sup>6</sup> Y acalístán huatiyalítum tamá chúchut Dios limacámilh muncáctat y çalimasputuahuílihl huak laṭa tícu xtalamánlh xamakán quilhtamacú.<sup>7</sup> Pero umá akapún xahua çatiyatni huantü lançhú aquinín puhuilánáhu çalacchú quilhtamacú, aya lipulhcacanít pì huá lhúyat nalimlaksputucán, xlicána pì chuná naquítaxtuy porque huá Dios chuná limapeksinanít, xlacata pì huá tamá lhúyat nacamasputuhuiiy cristianos acxni nasputa çaquilhtamacú y Dios nacatlahuay taxokón xlihuak huantü lixcájnít tatilatámáhl xlacata nacamaþatínján.

<sup>8</sup>Xahuahí natalán, nexxcnicú tipatzankayátit pì huantü xlacata Dios, aktum quilhtamacú xlá limáxtuy cumu la ç catítáxtulh aktum mīlh çata, y laṭa titaxtuy aktum mīlh çata xlá xtaçhuná limáxtuy cumu lámpara caj aktum quilhtamacú titaxtunít.<sup>9</sup> Pero nì xlacata para Cristo caj luu chuná catziy mamakapalima xlacata namakantaxtiy huantü málacnünít laṭa namimparay xlimaktiy, chuná cumu la talacpuhuán makapitzín, huata xlá caj quincamamakalhimán para nalipahuanáhu y nì nalaktzan-kayáhu; porque xlá nì lacasquín para tícu naníy y nalaktzankay,

huata lacasquín pì xlihuak cristianos xtalaktalacatzúhuíhl Dios lihuán talamánlhcú.

<sup>10</sup>Acxni nalakchán quilhtamacú laṭa namimparay xlimaktiy Quimpuchinacán, luu xtaçhuná xkalh namín, acxni nì liacatzihuilácalh, cumu la talicatziy kalhananín acxni çatzisní tamín takalhanán. Entonces akapún xahua xlihuak huantü anán nac çaquilhtamacú nalactlahuakocán xtaçhuná cumu la ç caminchá lanca ún huantü lipeçua macahuán, xlihuak huantü huí nahuán nac çaquilhtamacú putum nalaclhcuyuhuilikocán laquí niaj tü natamakxteka, xahuahí huak huá Dios ámaj çamakalhaliy y nacamaçokoniy cristianos laṭa lácu çalakchán y lácu tatilatamañit.<sup>11</sup> Cumu aya catziyátit lácu amácalh málaksputucán eé çaquilhtamacú, ixlicána çamininiyán pì luu akstítum calatapátit nac xlacatín Dios y akstítum calakachixcuhuítit!<sup>12</sup> Huixinín ankalhiná cakalhkalhitahuilátit amá quilhtamacú acxni Dios natlahuay taxokón, y calakpuhualacapítit xlacata pì aya xlákchálh amá quilhtamacú. Acxni nalakchán amá quilhtamacú xlihuak huantü huí y tasiyuy nac akapún xahua huantü anán nac çaquilhtamacú putum ámaj liacstalanckoy amá lhúyat caj xpālacata lipeçua xlichichi huantü nalilh-cuyucán.<sup>13</sup> Pero aquinín huantü lipahuanáhu Cristo ankalhiná kalhkalhimanáhu amá xasasti akapún xahua xasasti çaquilhtamacú huantü Dios quincamaçacnüninítan pì naquincamaçquiyán, porque stalanca catziyáhu pì xlihuak huantü

antá huí huak tlan y akstítum nalatamacán.

<sup>14</sup>Natalán, huá xpálocata ccalihuaníyán pì lihuán kalhkalhipátit acxnì nacamaxquicanátit amá lipaxúhu latámat, pus juerza catlahuanítit laqui acxnì namín Cristo xlá nacamanoklhuyán pì huantu akstítum lapátit y nítu limaxcajwalipátit talakalhín milatamatcán, huata tlahuapátit nahuán huantu nalimakapaxuhuayátit. <sup>15</sup>Xahuachí tancs cacatzítit pì para Dios lipaxúhu quincalimakakalhímán y nínaj quincamapatiniyán, huá chuná litlahuama porque lacasquín pì caquincalimacuanín umá quilhtamacú y cakalhíhu laktáxtut. Xahuachí ccatziy pì quintalacán Pablo na maklhuuatá catzokniyán xcarta y na huá umá tastacyahu xlá calimakalhchuhuiyán chuná cumu la Dios maxquínit liskalala. <sup>16</sup>Xlihuak xcarta huantu xlá catzoknuninítán huatiyá umá tastacyahu huantu lihuana çama-siyuniputunán, masqui xlicana pì lacmanuy makapitzín tachuhuín huantu juerza lactuhua y nì luu lay taakataksa amakolh huanti nì luu laskalala y huanti catzankaniy

talacapastacni xahua tacanájlát, huata xlacán talitaaklhuhuiy y niaj chuná taakataksa lata lácu quitaxtuy, nachuná tatlahuay xamakapitzi xtachuhuín Dios huantu tatzoktahuilanít nac likalhtahuaka, pero xlihuak huantu tatlahuay xlicana pì caj sacstucán taputzamánalh huantu nacalimapatinícán.

<sup>17</sup>Natalán, pus cumu huixinín aya catziyátit xlihuak huantu lanchú ccalimakalhchuhui-nítán, pus luu skálalh calatapátit y catamaktakálhtit xlacata pì nì nacaliakskahuimiyán huantu lixcájnít xtayatcán tamakolh huanti laclixcájnít xtalacapastacnicán cristianos y nítu nacalactlahuayahuayán antanícu xaakstítum huixinín yátit. <sup>18</sup>Pero clacasquín pì atzinú lihuana calakapástit xtalacapastacni Quimpuchinacán y Quimapakaputaxtinacán Jesucristo, xahuachí tlak camalihuaquítit xlacata akstítum nalilatapayátit xtapaxquít. ¡Camaxquíhu cácnit Quimpuchinacán lanchú quilhtamacú, y canexnicahuá camaxquicalh cácnit! Chuná calalh, amén.